



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

9. Qui paupertatem putent etiam esse gloriosam?

**urn:nbn:de:hbz:466:1-45699**

quam usui. Deinceps in facto maximo exclamat: Cratetē manu mittit. Exinde non modo solus, verū nudus & liber omnium, quoad vixit, beatè vixit. His omnibus usque adeò paupertas mala non fuit, ut etiam bona videretur. Si vis scire, quam nihil in illa mali fit, inquit Romanus sapiens, compara inter se pauperum & diuitium vultus. Sepius pauper, & fideliūs ridet: nulla sollicitudo in alto est: etiam si qua incidit cura, velut nubes leuis transfit. Horum, qui felices vocantur, hilaritas siccā est, aut granis, & suppurata tristitia: & quidem grauiore, quia interdum non licet palam esse miseros: sed inter arumnas cor ipsum excedentes, necesse est agere felicem. Sepius hoc exemplo mihi utendum est: nec enim ullo efficacius exprimitur hic humana vita miseris, qui nobis partes has, quas male agamus, assignat. Ille qui in scena elatus incedit, & hac resupinus dicit,

En impero Argis, regna mibi liquit Pelops,

Quā Ponto ab Helles atque ab Ionio mari

Vrgetur Isthmos:

Seruus est, quinque medios accipit, & quinque denarios. Ille qui superbus, atque impotens, & fiducia virium tumidus ait,

Quod nisi quieris, Menelae, hac dextra occides:

diurnum accipit, in canculo dormit. Idem de ipsis licet omnibus dicas, quos supra capita hominum supraq[ue] turbam delicatos lectica suspendit: omnium istorum personata felicitas est. Contemnes illos; si despoliaueris. Equum emturus solui iubes stratum, detribis vestimenta venalibus, ne qua vitia corporis lateant: hominem innolutum estimas? Mangones, quidquid est, quod displiceat, aliquo lenscinio abscondunt. Itaq[ue] ementibus ornamenta ipsa suspecta sunt: siue crux alligatum, siue brachium adspiceret, nudari iuberet, & ipsum tibi corpus ostendi. Vides illum Scythia Sarmatiae regem, insigni capitis decorum? si vis illum estimare, totum q[ue] scire, qualis sit? fasciam solue. multum mali sub illa later.

Quid de alijs loquor? Si perpendere te voles, sepone pecuniam, domum, dignitatem: intus te ipsum considera. Nunc qualis sis, alijs credis. Hæc ille, cui, sicut & ceteris recensitis, magis utique placet penuria, quam abundantia. Et hoc ob animi pacem, quæ ibi maior est, ubi pecunia est minor.

Christus Seruator, & Christiani, ob longè altiores caussas, diuitijs paupertatem anteposuerunt, suo loco indicandas. Hic sufficit

M. Minut.  
Fel. in Ora-  
rio.

sufficit illud apponere, quod Ethnici paupertatem, adeoque & vilitatem Christiano gregi obijcientibus, M. Minutius Felix respondit. Ceterum, quod pleriq; pauperes dicimur, non est infamia nostra, sed gloria. Animus enim ut luxus soluitur, ita frugalitate firmatur. Et tamen quis potest pauper esse, qui non eget, qui non inhibat alieno, quis Deo dives est? Magis pauper ille est, qui cum multa habeat, plura defiderat. Dicam tandem quemadmodum sentio: nemo tam pauper potest esse, quam natus est. Aues sine patrimonio viuunt, & in diem pascua paescuntur: & hac nobis tamen nata sunt: quae omnia si non concupiscimus, possidemus. Igitur, ut qui viam terit, eò felicior, quo leuior incedit: ita beatior in hoc itinere viuendi, qui paupertate se subleuat, non sub diuitiarum onere suspirat. Et tamen facultates, si utiles putaremus, à Deo posceremus utique indulgere posset aliquantum, cuius est totum. Sed nos contemnere malum opes, quam continere: innocentiam magis cupimus, magis patientiam flagitamus: malum nos bonos esse, quam prodigos.

## X.

3, Reg. 21, 3.

Ex triplici hac hominum classe, tria licet colligere. Ex prima, quia sunt qui egent, sed inuiti, eam ipsam ob caussam eos meritò egere, ut doleant, quia volunt inde dolere, vnde alij commodum accipiunt, alij etiam sentiunt animi voluptatem. Paupertate enim alij ex virtute contenti sunt, alij etiam delectantur, auari autem cruciantur. Qui quantumcumque habeant, tamen pauperes sunt, immò miseri, quam diu non habent, quod concupiscunt. Vis exemplum? Vinea erat Naboth Iezrahelita, qui erat in Iezrahel, iuxta palatium Achab regis Samaria. Locutus est ergo Achab ad Naboth, dicens: Da mihi vineam tuam, ut faciam mihi hortum olerum, quia vicina est, & prope domum meam, daboq; tibi pro ea, vineam meliorem: aut si commodius tibi putas, argenti pretium, quanto digna est. Cui respondit Naboth: Propitiū sit mibi Dominus, ne dem hereditatem patrum meorum tibi. Venit ergo Achab in domum suam indignans, & frendens super verbo, quod locutus fuerat ad eum Naboth Iezrahelites, dicens: Non dabo tibi hereditatem patrum meorum. Et proyciens se in lectulum suum, auertit faciem suam ad parietem, & non comedit panem. Vide mihi diuitem pauperem, vide regem egentem; vide viribus integris in lecto iacentem, vide indignantem & frendentem, nec comedentem! quid miserius hoc homine? Quid eum cruciat?

pauper,